

金闕內宮洞玄得道宏誓鄧大真人

大真人諱澁

鄧大真人曰元運統休湛明寶慧嘉和時順厥名肇生無象自象不文而文化機運得至理元亨粵稽大壇厥數有年宗燈繹煩賴茲妙靈噫吁鮮解余實愍殷有知勿用知泯生晶有見勿恃見泯生英仰觀白霞俯觀青萍似着非着有定無憑化行自如可以長存

玄宗妙靈渾空生英元象非象元明非明照以迪悟悟以肇真厥名上宗亦曰大乘慨夫世人性命具真性稟於天命囑於星台星在首人之上英斗光應臟人之上靈二十八宿環拱帝庭

道藏輯要

玉詮

圭 鬼集二

受形之貴妙無等倫天有元亨仁禮之根人有義信乾之利貞四德合天大智寶明所以性體全契帝真奈何信士心染翬塵真性日錮塵性日紛真相既失徒恃幻形目好華色耳好淫聲舌戀肥甘鼻戀嬌馨馳騁逸樂自喪元晶形同裹革積漸臃腫性同暈月掩蔽烟氛有明不見有聰罔聞出言尖巧以刻為能行止齷齪以濁為清惟務色相罔念元真惟耽文飾弗勵躬行奉道事天總成好名上真哀憫降自玉京開示正宗以利嗣人正宗非他寶月九英慧從英得月從智生寶月既滿大智圓明聖無二法法無二因聖無二道道無二心心因俱一道法雙成何者曰法玉梵金經何者曰道天教人倫何者曰因立志超塵

何者曰心回顧元明人能知此妙行得門妙從門人行從門行
行滿功圓永侍聖尊

道藏輯要

玉詮

圭

八十八 鬼集二

正一天師清微弟子 洪百堅 製作

道教學術資訊網站